







from *Stomach Courtway Lib*
OCT 31 1999

嘔吐膈氣總論

潔古云吐有三氣積寒也皆從三焦論之
上焦在胃口上通天氣主納而不出中焦在中脘上通
天氣下通地氣主腐熟水穀下焦在臍下下通
地氣主出而不納是故上焦吐者皆從于氣
者天之陽也其脈浮而洪食已暴吐渴欲飲水
大便燥結氣上衝胸而發痛其治當降氣
中焦吐者皆從于積有陰有陽食與氣相假
積而痛其脈浮而弦其症或先痛而後吐或

吐而後痛治法當以小毒藥去其積擯柳木香
和其氣下焦吐者皆從于地道也其脉大而
其症朝食暮吐暮食朝吐小便清利大便漸
不通治法宜毒藥通其閉溫其寒氣大便漸
以中焦藥和之不令大便閉結而自安也
右潔古論三焦吐蓋本黃帝所謂氣為上膈
飲入而還出為下膈食晬時乃反出之其上焦
食已暴出者今世謂之嘔吐也中下二焦朝食
暮吐暮食朝吐者今世謂之膈氣反胃也今分
嘔吐膈食為二門

仲景云諸嘔吐穀不得下小半夏湯主之

嘔家本渴渴者為欲解今反不渴心下有支
飲也小半夏湯主之

卒嘔吐心下痞腸閉有水眩悸者小半夏加

苓湯主之胃反嘔吐者大半夏湯主之服

半夏湯諸湯不愈者此胃虛當以甘益之立

治氣之劑

仲景陳皮湯

乾嘔手足厥者治宜辛散

橘紅四兩 生薑八兩 水七升煎三升温服一升下咽即愈

木香散

木香 檳榔 等分為細末以後桔梗湯調下

潔古桔梗湯 上焦氣熱上衝食已暴吐脉浮洪

宜先降氣和中

桔梗 白朮各一兩半 半夏麴二兩 橘紅 枳實炒

茯苓 厚朴各一兩 每服一兩水煎調木香散

錢隔夜空腹服之三服後氣漸下吐漸去

後去木香散加為藥黃芪一兩半同煎服

病愈則止如大腑燥結食不盡下以大承氣

湯去朴硝微下之少利為度再服前藥補之

如大便復結又依前微下之

檳榔紅散 治嘔吐

白檳榔一枚 橘紅二錢半 水煎服

治寒之劑

加減二陳湯 痰火為患嘔噦頭眩心悸中脘不

安 寒熱或食生冷脾胃不和並治

丁香兩半 夏陳皮各五兩 茯苓二兩 甘草半兩

每服四五錢姜三片烏梅一枚水煎熱服

治痰痞加草豆蔻一兩

藿香安胃散 脾胃虛弱不飲食嘔吐不時

藿香半一錢 丁香 人參各二錢 橘紅五錢

每服二錢姜三片水煎服

東垣丁香吳茱萸湯 治嘔吐噦胃寒所致

丁香 甘艸 茯苓 柴胡 半夏 乾姜各

分吳茱萸 草豆仁 蒼朮 黃芩 人參各

錢并麻分當歸半 錢

每服五錢姜三片水煎食前熱服忌生冷

藿香平胃散 治嘔吐不止

藿香 厚朴各一兩 半夏 甘草各二兩 蒼朮三兩

陳皮去兩 每服五錢姜三片棗三枚水煎溫

羅太無紅豆丸 諸嘔吐逆膈氣反胃亦治寒

丁香 胡椒 砂仁 紅豆各二粒

右末姜汁糊為丸皂角子大每一丸以大棗

一枚去核填藥麵裹燒麵熟去麵細嚼白湯

下食前進三服効

下香附子散 膈氣吐食及下焦寒而奔豚上冲

黑附子炮去皮脐丁香各二錢五檳榔一枚大硫黃石去胡椒

銘二右先將四味為末次入硫黃再研勻每服

二錢用蝙蝠一筒去翅足腸肚填藥在內用

濕紙五七重裹定置慢火內燒熟取出細嚼

用溫酒送下一日三服米飲送下亦可

仲景吳茱萸湯 治嘔而胃滿者

吳茱萸湯泡一人參三分生姜半大棗三枚水煎

治火之劑

蘆根湯 熱而嘔吐不止及治惡阻

蘆根取土中新白者半斤水二碗煎一碗熱服

竹茹湯 治胃熱而嘔

乾葛 半夏各三錢甘草二錢

每服五錢姜三片竹茹半錢棗一枚水煎溫服

昔有人病傷寒得汗後數日忽嘔吐藥食俱不得

下醫皆進丁香藿香滑石等藥下咽即吐後以

此竹茹湯與之即愈

枇杷散 治嘔吐利膈氣止嘔哕又治卒嘔吐不

食單煮枇杷葉汁飲之此物味苦平下氣

枇杷葉去毛人參錢各一半夏錢各一茯苓錢五茅根兩二

姜七片水煎磨檳榔末五分和勻服之

丹溪治膈上有熱胃中有痰二陳湯加炒梔子

連生姜主之嘔而發熱者小柴胡湯主之溫

湯治嘔吐不下飲食極妙

仲景青鎮丸 治寒熱往來脉弦嘔吐頭痛

柴胡湯加青黛以姜汁打糊為丸白湯下

劉河間治暴吐上焦氣熱所冲經曰諸嘔吐酸

注下迫皆属于火脉浮而洪者荆黃湯主之

荆芥兩一人參錢五甘草半二錢 大黃錢二

右水煎調檳榔散二錢空心服

檳榔散 檳榔錢二木香半乙錢 輕粉少許

右為細末同前煎藥下如欲作丸子用蒸餅

糊為丸小豆大每二十九丸食後服

治瘀血之劑

香靈丸又名六治嘔吐如神及產後嘔不止者

丁香 辰砂錢六五靈脂兩一 右香脂先研末後

入砂再研勻用狗膽汁或猪膽汁為丸鷄頭子大每服一丸生薑陳皮湯磨下

治痰血獨以五灵脂狗膽汁為丸鷄頭子大每服一丸生薑湯磨下及生薑酒送下極熱服

草靈丹 五灵脂 姜汁煮透 甘草 燒酒煮透

焙乾為末每服五分置掌中用舌舐下此方

治膈氣反胃嘔吐梅核氣及胃脘疼痛効

治虛之劑

丹溪云久病嘔者胃虛不納穀也

生薑 人參 黃芪 白朮 香附 治之類

逢治反胃嘔吐無常粥飯入口即吐困倦無力

垂死者以人參三兩作一服水煮熟帶熱頓服愈

中湯 治脾胃虛寒嘔吐不食

中湯 治脾胃虛弱嘔吐

治中湯 治霍亂吐瀉 即理中湯加橘紅青皮各一兩是也

六君子加砂仁治脾胃虛弱惡心欲吐及 吐食或不思食

治積氣之劑

通仙丹 木香檳榔丸 枳實導滯丸 七聖丸

皆可選用

治風痰之劑

金花丸 吐食而脉弦肝乘脾也由脾胃之虛宜

治風安胃 半夏一湯泡檳榔二錢雄黃一錢

右末姜汁浸餗餅糊為丸桐子大小兒另丸

姜湯下從少至多漸次服之以吐止為度風

痰羈絆於脾故飲食不下也

治水飲之劑

小半夏湯 治嘔吐穀不得下者

半夏一斤生姜半斤水七升煮取一升半分溫再服

小半夏加茯苓湯 治卒嘔吐心下痞腸閉有水

眩悸者即前方加茯苓四兩

大半夏湯 治胃反嘔吐服前小半夏湯諸藥

愈者此胃虛宜以甘益之服此立愈

半夏二斤人參三兩白蜜一斤右水一斗三升和蜜揚

之二百四十遍煮藥取三升從服一升餘分再服

猪苓湯 治嘔吐而病在膈上後思水解急與之

思水者此湯主之 猪苓 茯苓 白朮各一分

為末飲調方寸七日三

胃風

胃風之症治嘔愈嘔者是也。用川烏一兩洗淨去皮臍不去尖以漿水一碗煮乾每枚切作二片復用漿水一碗煮盡更切作四片每細嚼一片以少溫水下少頃嘔遂止此皆好食甘甜之物膏梁之味積久成熟因而生風非一朝一夕之故也。雜方碧霞丸 治吐逆立効

黃丹四兩節過用好米醋半斤用藥入銚內煎

乾却用炭火三斤就銚內煨透紅冷取出研細

末用粟米飯搗為丸梧子大煎醇湯下七丸効

木瓜湯 主嘔啞風氣又吐而轉筋者煮木瓜汁

飲之甚良此酸收之劑欲吐不吐者是也

惡心

丹溪云惡心有熱有痰皆用生姜隨症用藥

仲景生姜半夏湯 治胸中似喘不喘似嘔不嘔

似噦不噦徹心中憤々然無奈者

半夏一斤 生姜一斤 取汁 右二味以水三升煮半夏

取二升內生姜汁同煮二升半少冷分四服
日三夜一如病止住後藥 此溫痰症也

東垣茯苓半夏湯 胃風虛弱身重有痰惡心欲

吐是邪氣羈絆于脾胃之間當先實其脾胃

炒麴三錢 大麥芽炒黃五錢 陳皮 天麻各二錢 白朮

茯苓 半夏各一兩 每五錢姜五片煎熱服

藥胡半夏湯 治舊有風症不敢見風眼澁眼黑

胸中有痰惡心兀欲吐但遇風覺皮肉緊手

足難舉動重如石若在暖室少出微汗其症隨

減再遇風病復如是 方見痰門

嘔苦水

丹溪治一婦人清早嘔苦水脉瀆而微起轉如常

此胃弱而上腕有濕

黃芩七錢 滑石 蒼朮炒 陳皮 山查 半夏各

桔梗五錢 飛礬二兩 姜水煎服

二陳湯加山梔子一倍黃連減半香附撫芎白三

仁煎服或臨服時磨檳榔末少許治鬱火惡心

嘔沫反胃症沫大吐者多死予目擊十數人矣

仲景治乾嘔吐逆吐涎沫半夏乾姜散主之

半夏 乾姜各等分 二味為末取方寸匕漿水

一升煎七合頓服之

嘔膿

予一族嫂中年患此半載發熱嘔膿血後竟無事此亦肺癆症也膿盡即愈

仲景云嘔家有癰膿不可治嘔膿盡自愈

嘔長虫

丹溪治吐虫用黑錫灰檳榔末米飲調下

仲景治魛厥當吐魛今病靜而復時煩此為噦

魛上入膈故煩須臾復止得食而嘔又煩者

食臭出其人當自吐魛

魛厥者 烏梅丸主之又主痢 方在厥證門

傷酒嘔吐

東垣葛花解醒湯 方見傷飲門

益元散姜汁為丸治酒熱嘔惡殊驗

乾姜丸 治酒癖成飲吐酸水

乾姜 葛根 枳殼 橘紅 前胡各五錢 半夏

麴 白朮各乙 吳茱萸 甘草各二錢半

右末煉蜜丸桐子大每三十九丸米飲下

嘔吐清水

許學士神木丸 治嘔吐清水如神

蒼朮一斤去皮切片為末用白芝蔴半兩水二盞研瀝取汁大棗十五枚煮爛去皮核以芝蔴汁研勻成稀膏搜和入白搗熟丸如桐子大每空心溫湯下五十丸加至百丸忌桃李雀鴿初服時膈上微燥且以茅朮製覺燥甚一丹進山梔子散一服久之不覺燥也

山梔散 山梔一味乾之為末沸湯點服

仲景茯苓散 治心胸中有停痰宿水自吐出水

後心胸間虛氣滿不能食消痰氣能飲食

人參 白朮 茯苓 各三兩 枳實 二兩 陳皮 五錢 生姜

三兩 右水煎溫服如人行八九里許又進之 一日三服

丹溪治兩手脈弦飲後嘔清水

神麴 蒼朮 香附 各五錢 益元散 一兩 半夏 七錢

右末姜汁浸餗餅為丸

丹溪治一人年四十因灸艾火太多病腸內下血

糞肚痛今痛自止善嘔清水食不下宜清胃

之熱 黃芩 甘草 茯苓 各五分 陳皮 地黃

錢各一 白朮 錢各一 連翹 錢半 姜三片 水煎服

仲景治渴欲飲水水入則吐日名水逆五苓散主之

千金方治痰飲吐水無時節者其原因冷飲過度

遂令脾胃氣羸不能消于飲食飲食入胃則皆

變成冷水反吐不停皆用赤石脂散主之

赤石脂一斤研細末每服方寸匕酒飲調下時

稍加至三七服盡一斤終身不吐痰水又不

下痢補五臟令人肥健有人痰飲服藥不愈

用此方愈經云諸病水液澄徹清冷皆屬于寒是也

白芷散 治胃口寒作吐及作痛者

白芷仁三錢為末酒送下効

噎膈

內經陰陽別論篇曰三陽結謂之膈結謂熱結也

三陽者小腸膀胱也小腸熱結則血脉燥膀胱

熱結則津液涸故隔塞而不便焉其始也或由

飲食不節痰飲停滯或因七情過用脾胃內虛

而作或者不察悉指為寒例用香熱之藥治之

反動七情之火脾胃之陰反有所耗是以病日
 益深今治此疾或見咽嗝閉塞胸膈痞悶似屬
 氣滯然有服耗氣藥過多中氣不運而致者當
 補氣而自運有大便燥結如羊屎者似屬血熱
 然有服通利藥過多致血耗竭而愈結者補血
 潤血而自行有因火逆冲上食不得入其脉洪
 大有力而數者有痰飲阻滯而脉結澹者當遠
 痰泄熱其火自降又有脾胃陽火衰弱其脉沉
 細而微者當以辛香之藥温其氣仍以益陰

胃為之輔可也大槩又有寒熱之辨若食已

吐者火也食久始吐者寒也王註曰食不得入

是有火也食入復出是無火也按內經王註

二陽也太陽三陽也一陽膽與三焦二陽
 小腸膀胱也并大腸而

傷寒論云食入反吐穀不得前者腎水乾也

曰病嘔而吐食久反出是無水也此與內經

能篇註異

氣厥論云膈中陽氣與寒相薄故隔食而陽氣

通此論亦云陽與寒相薄未嘗專主于寒也
丹溪曰大率屬血虛氣虛有痰血虛者脉必數而
無力氣虛者脉必緩而無力有痰者脉必沉或
伏而大又有氣滯結者寸關沉而濇又有擊踈
內積瘀血忽然嘔吐食不能納者其脉必芤
張鷄峰曰噎當是神思間病惟內觀自養庶或可
安又曰噎生于血乾血陰也陰主靜內外兩靜
則臟腑之火不起而金水二臟有養陰血自生
腸胃津液傳化合宜何噎之有

方用人參以補脾御米以解毒竹瀝以清痰乾
姜以養血粟米以實胃蜜以潤燥姜以去噦有
氣結者用開導之劑有陰火上炎者作陰虛治
有積血者當消息去之

糞如羊屎者不治五十以上者不治口中多出
白沫者不治

三大藥用童便韭汁姜汁竹瀝牛羊乳氣虛入
四君子湯血虛入四物湯切不可驟用辛燥之
藥宜薄滋味宜用乾蒸餅等物少用湯粥

一節藏象云人迎四倍以上為格陽蓋陽上之極故格拒而食不得入

靈云病人脈數、為熱當消穀引飲而反吐者以發其汗令陽微膈氣虛脈乃數、為客熱不能消穀胃中虛冷故也脈弦者虛也胃氣無餘朝食暮吐變為胃反寒在于上醫反下之今脈反弦故名曰虛

跌陽脈浮而濡浮則為虛濡為傷脾、傷則不磨朝食暮吐暮食朝吐宿穀不化名曰胃反脈緊

而濡其病難治

氣虛胃反右手脈無力者

四君子湯加蘆根 以伏龍肝浸長流水澄清煎之臨服入童便韭汁牛羊乳入黑驢尿和服以防其生虫

參苓白朮散 錢氏白朮散皆治中氣虛弱胃反血虛胃反左手脈無力者以四物湯加童便或再加桃仁紅花 有酒積加甘蔗汁

二陳湯合平胃散 治有痰而胃反者

人參利膈丸 治胸中不利痰嗽喘滿而膈

木香 檳榔各七錢半 人參 川歸 藿香

甘草 枳實各一兩 大黃酒浸 厚朴各二兩

右末滴水丸梧子大溫水送下

千葉白木槿花陰乾為末陳皮湯調下三五口不轉再服

奇方

未出毛啄木鳥 蝙蝠 小鮎鴨魚 三味入

新瓦內鹽泥固濟煨存性為末外用狗寶為

末和勻每服五七分漸至一錢姜湯下

又方 陳蜆殼燒灰米飲下

老牛涎如棗核大水中飲之終身不復噎

又方 芦根 茅根各二兩 水四鍾 煮二鍾頓服之良

姜附散 膈氣不通胸膈間結塊大如拳堅如石

嘔吐惡心飲食不下

香附子一斤 生姜三斤 搗取汁浸香附一宿曬乾再

浸再晒以姜汁盡為度為末每二錢米飲下

病機紫沉丸 治中焦吐食由食積與寒氣相格

故吐而痛 半夏麩 代赭石 砂仁各三錢

杏仁 沉香 木香 白朮 各一錢 烏梅仁

丁香 檳榔 各二錢 陳皮 五錢 巴豆霜 另研 肉果 各五分

右末醋糊丸黍米大每五十九柿霜湯下愈

東垣厚朴丸 主反胃吐逆飲食噎塞氣上冲腹

中諸疾藥味即與萬病紫苑丸同

厚朴 蜀椒 去日 川烏 炮去皮各一兩半 紫苑 吳茱

萸 柴胡 菖蒲 桔梗 茯苓 官桂

皂角 去皮炙 乾姜 炮人參 各二兩 黃連 二兩 巴豆霜

錢五 右蜜為丸桐子大每服三丸漸加至五七丸

以利為度姜湯下食後而卧此丸治効與局

方温白丸同及治處暑已後秋冬下痢大効

加減法 春夏加黃連 二兩 秋冬再加厚朴 二兩

如治風於春秋所加黃連厚朴外更加菖蒲

茯苓各一兩半 如治風痛不愈者依春秋

加藥外更加人參菖蒲茯苓各一兩半 如

心之積加菖蒲茯苓為輔 如肝之積加柴

胡蜀椒 如肺積加黃連人參 如脾積加

茱萸乾姜 秋冬久瀉不止加黃連茯苓

脾胃氣弱食不消化嘔逆反胃湯飲不下用粟米半升為粉水丸梧子大煮令熟點少鹽空心
心和汁吞下

本草云馱尿極治反胃外臺載昔幼年經患此疾每食餅及羹粥須臾吐出貞觀中許奉御兄弟及柴蔣等時稱名醫奉勅令治醫竭其術竟不能療漸至羸憊死在旦夕忽有士云馱尿極驗旦服二合後食唯吐一半晡時又服二合人定時食粥吐則便定後奏知六內中五六人患反

胃同服一時俱瘥此藥稍有毒服時不可過多

盛取熱服二合病深者日服之良驗本草云馱尿治癥瘕

反胃又云性冷味甘服之不生虫

濟世方 馱尿調平胃散亦効

新瓦散 治反胃用多年瓦一片燒紅入馱尿內

淬二十一次研末倉米飯焦為末二分飯末一

分瓦末蠟精和飯丸以馱尿和平胃散服之

丹溪番胃方

黃連姜汁炒 山查肉一錢 保和末六錢 右粥丸桐

三錢

子大以人參湯入竹瀝再煎沸熱下六十九

本事大黃湯 治冷涎蓄胃其症欲發時先流冷

涎次則吐食此乃勞証治不早死在旦夕用大

黃一兩生姜自然汁半茶盞炙大黃令燥又淬

入姜汁內如此淬汁盡切焙為末每服二錢陳

米一撮葱白二莖水一大盞煎七分先食葱白

次服藥不十日即除根

羅太無云 玄明粉硝提八九次入瓦礮煨其煨

過淨硝一斤入甘草末一兩和勻名曰玄明粉

每用一二錢桃花湯或葱白湯調下治膈上氣

壅滯五藏秘結和熱 忌魚及藕

丹溪治蓄胃積飲通用益元散生姜自然汁澄清

白脚丸小丸子時服 治蓄胃用吳茱萸貝

母瓜萎根牛膝草

本事治積聚停飲痰水生虫久成反胃及交為胃

癰其說在靈樞及巢氏病源芫花丸

芫花醋炙牛膝 狼牙根 桔梗炒 藜蘆炒

檳榔各五錢 巴豆大粒 右末醋糊丸如赤豆大

每服二三丸加至五七丸食前姜湯下
此方常服化痰消堅殺虫予患飲癖三十年
暮年常是多雜痰飲來潮遲即吐有時飲半
杯酒即止蓋合此症也因讀巢氏病源論酒
癥云飲酒多而食穀少積久漸瘦其病常欲
思酒不得酒則吐多睡不復能食是胃中有
虫使然名為酒癥此方治之要之酒痛禁酒
則易治不禁無益也

羅太無桂香散 治膈氣及胃諸藥難瘥朝食暮

二甚者食已輒出其効神速此重劑也

水銀

黑錫

各三錢

硫黃

五錢

右三味鉚內用柝木

槌熬研微火上細研為灰取出後用丁香末

二錢桂末二錢生姜末三錢都一處研令勻

每服三錢米飲調下一服効甚者再服神効

又云男婦小兒遠近番胃吐食或有汚血停蓄胸

膈者方用五靈脂一味為末以黃狗膽汁為丸

龍眼大每服一丸好酒半盞溫服不止

再服即効

丹溪治東陽王仲延咽膈間常覺有物悶 每食

物必屈曲自膈而下且梗滯作微痛食亦減他
無所苦予脉之右甚濇而關甚沉左却和予曰
汚血在胃腕之口氣因而鬱為痰此必食物所
致明以告我彼不自覺予又曰汝去冬好食何
物為多曰我每日早必卑飲點剝酒兩三杯逼
寒氣為製一方用生薑汁半盞令細呷之一日
三服盡薑二斤而安

濟世方 治噎食

一鷄腹內穀袋不拘多少不可失色內物一粒用
泥固濟火煨存性用姜汁炒香附末半兩配穀
袋一箇為末神麩糊為丸姜湯送下

治氣噎不下飲

枇杷葉去毛 青皮 陳皮去白
右等分每服三錢生姜五片水煎服

金匱玉函 五噎心膈氣滯煩悶吐逆不食

蘆根五兩剉水三大盞煮二盞溫服

永徽中有僞惟則病噎不能食囑諸弟子曰吾死
後便可開吾胃喉視有何物自經而卒弟子果

開喉腦中得一物形似魚而有两頭遍體皆肉
鱗弟子置碗中跳躍不止戲以諸味皆隨化盡
時夏中盛藍作澱適有一僧以澱置碗中此虫
遂逸碗而走須臾化為水此乃虫痕非噎此因
此後人多以藍治噎悞矣

秘方潤腸膏 治膈噎大便燥結飲食良久復出

及朝食暮吐暮食朝吐其功甚捷

新取葳靈仙四兩生薑四兩真麻油二兩白沙蜜

四兩葵沸去沫右四味同入銀石器內慢火熬成膏

時、以匙挑食之良驗

雄黃二豆丸 治番胃噎食神驗

大烏梅三十枚水取肉硃砂 雄黃各二錢乳香一錢

真百草霜 黑豆 菜豆各四十粒

右五味為細末烏梅肉搗丸彈子大每服一
丸噙化待一炷香時藥力方行烙白麵餅一
枚清熱湯泡開吃之無碍為妙設仍有微碍

一二日後再噙一九三五丸除根

紫蘓子飲 欬逆上氣噎膈因怒氣叫喊未定便

挾氣進飲食或飲食甫畢便用性恚怒以致食與氣相逆氣不得下或咳嗽不透心氣逆惡心

蘓子炒訶子煨去核蘿蔔子微炒杏仁去皮尖

人參各一錢半木香各一錢半青皮各一錢甘草各三錢

右分二服生姜三片水煎服

太倉丸 脾胃虛弱不思飲食番胃不食亦宜服

砂仁各二白豆仁各二陳倉米一升用朝東向陽壁土炒去土不用

右末生姜自然汁丸桐子大每服百丸淡生

姜湯下

仁彙編曰硫汞結成砂子吐逆立痊方用嚴氏

青金丹治一切吐逆

水銀八錢生硫黃一錢為末入銚內慢火化開以

柝木棍攪炒或有烟焰以醋沃之結成砂子

再研為末用粽尖杵和丸菜豆大每服三十

丸生姜陳皮煎湯送下

青囊治反胃久藥不效及小兒吐不止者硫黃五

錢為末入水銀二錢半同研無星為度每服二

錢先取生姜汁酒一盞煎熟調藥空心服調時

逐漸著酒緩調令勻服訖以被蓋出汗安
 又曰人參治番胃之良 用人參二兩拍破每服
 一兩水一鍾半煎四分熱服兼以人參汁煮粥
 吃愈有人患番胃諸方不瘥只服人參而愈若
 卒嘔吐逆凡粥飲入口即吐困弱為丸服良
 劉宗厚曰按古治番胃諸方悉是香燥大熱之
 藥皆不足為法今姑採一二方以備用耳至于
 丹溪所言補血益陰潤燥和胃調中等藥雖無
 真方自宜隨証設施觀其立論則思過半矣

治噎禁方

皂角黃

三分每春夏兩處樹上生如菌樣

蘆根

浮露水 上橘紅者三錢

七分烏藥

一錢桔梗

二錢枳實

八分

水二鍾煎一鍾先

服一酒杯漸加之渣再煎

生生子曰噎膈之病氣鬱居多然亦有陰血不足
 者少壯之人日以酒色是耽胃中之火沸騰則
 上焦肺金先受邪矣金主降令者也火凌于肺
 津液成濁况又下竭腎水將何攝伏其火以下
 行耶經曰大便者腎之所主陰血既虧則大便

四卷
燥結、則下焦閉而氣反上冲經曰幽門不通
上冲吸門又曰肺出氣腎納氣虛則失司乃職
是有陽而無陰有升而無降也故守真子和丹
溪皆以火熱而言戒用剛燥其意深矣然用藥
必假滋陰潤燥為主陰血生則大便潤、則下
焦開、則氣降腎司職而病尋愈矣噫用藥之
法固為詳悉然人不能鉄石其獻斷酒色則雖
日飲瓊漿亦莫能以致其生也予特附于篇末
俾病者自加珍重孰非愈病之藥石耶

腰痛門

腰痛有腎虛有濕熱有痰有氣滯有跌撲瘀血
脉大而無力為虛弦為陰虛濡為死血沉滑為痰
沉細為氣濡弱為濕緊數為風

東垣曰大抵寒濕多而風熱少然有房室勞傷腎
虛腰痛者是陽氣虛弱不能運動故也經曰腰
者腎之腑轉搖不能腎將敗矣宜腎氣丸茴香
丸之類以補陽之不足也膏梁之人久服湯藥
醉以入房損其真氣則腎氣熱而腰脊痛不能

舉久則髓減骨枯發為骨痿宜六味地黄丸滋
腎丸鳳髓丹之類以補陰之不足也

丹溪曰久痛必用官桂以開之方止腹脇痛亦然
煨腎丸 肝腎脾損穀不化治宜益精緩中消穀

腰不起者神効

川萆薢

杜仲

姜汁炒

牛膝

破故紙

芦芭

兔絲子

肉蓯蓉

沙苑蒺藜

各一兩

桂心

兩半

右酒煮猪腰子為丸桐子大每服五七十丸

空心鹽酒送下

金剛丸 腎損骨痿不能起床

川萆薢

杜仲

炒

照前法丸服

麋茸丸 腎虛腰痛不能轉側

麋茸

一兩鹿茸亦可

兔絲子

一兩

舶上硫黃

五錢

右末以羊腎二對酒煮爛去膜研如泥和丸

梧子大陰乾如羊腎不敷入酒糊佐之每服

三五十九溫酒或鹽湯下

鹿角散

新角刮去黑皮取白者炒黃為末酒服

一錢日進三服禁生魚餘不禁陳者不用角中

心黃亦不用此方治腰痛神效東垣曰鹿角能去惡血

羊腎散 羊腎為末酒服一錢日進三服本草云

羊腎補腎氣益精髓

腎氣丸 茴香丸 青娥丸 已上皆補陽之不

足也

八味丸 治虛勞小腹拘急小便不利此則陰陽

兼補也

六味地黃丸 虎潛丸 滋腎丸 大補丸

已上皆補陰之不足也

治陰虛脉大者

杜仲 龜板 黃栢 知母 枸杞子 五味

子 等分為末以猪脊髓為丸每服五七十九

空心鹽酒送下

補腎丸 治腎虛腰痛効

烏藥葉 本草云烏藥嫩葉補中益氣 側栢葉

右酒蒸晒乾為末粥丸梧子大照前服

腰腿濕痛方

龜板 酒炙 五錢 黃栢 酒炙 四錢 青皮 三錢 甘草 生一錢半

右末研姜一大片次入藥末一錢研細以蒼
耳汁煎令沸服

治陰虛性急腰痛者

龜板 黃栢 知母 側栢

右為末地黃膏為丸

治濕熱腰腿疼痛

龜板酒炙二兩 黃栢酒炒 蒼朮 蒼耳子各一兩 側栢兩半

歲靈仙酒浸二兩 右以牛膝膏為丸以黑豆汁煮

四物湯加陳皮生甘草生姜一片煎吞下

又方治腰腿疼痛

龜板一兩 黃栢 白芍藥各一兩 酒炒 陳皮 知母

歲靈仙 蒼朮 蒼耳子各半兩 為末蜜丸服

治濕熱腰痛大便瀉

龜板酒炙一兩 楮皮炒 蒼朮 滑石各半兩 芍藥酒浸

香附各四錢 為末粥丸如內傷白朮山查湯下

東垣蒼朮湯 治濕熱腰腿疼痛

蒼朮三錢 濕止痛 柴胡二錢 行 防風 黃栢各錢

水煎空心服

陳無擇牛膝酒 治傷風毒攻刺腰痛不可忍

牛膝各一 川芎 羌活 地骨皮 甘草 薏苡

仁各一 海桐皮二 生地黃十 俱以絹袋盛入

好酒二斗浸二七日夏三五日每服一杯一

日三四服常令酒氣不絕為佳一法入杜仲

治痰痛以二陳湯加天南星川栢蒼朮葳靈仙類之

丹溪治老人因跌撲腰痛

蘓木錢一 歸身頭 陳皮各一 人參 黃芪

木香 木通各五 桃仁九

煎湯送下自然銅末子五分

脉瀆者有瘀血也用熟大黃湯治墜墮閃倒腰痛

不能屈伸 大黃剉如 生薑切片各

二味炒令焦黃以水一鍾浸一宿五更去渣

服天明取下如鷄肝者即惡血也

治食積腰腿痛

龜板酒炙 側栢葉酒炒 香附五錢 白芥子 凌霄花一錢

半 右酒糊丸以四物湯加陳皮甘草山查莪朮

青皮煎湯下

痰積食積指下有力或沉滑有力皆宜下之

治腰痛用葳靈仙此治痛之要藥為細末每服二

錢以猪腰子一枚批開糝藥在內濕紙煨熟五

更細嚼熟酒下

千金方用葳靈仙一錢溫酒送下逐日以微利為

度病人稍虛者禁用

治腰痛不可忍

牽牛不以多少研取頭末去渣取大蒜每一瓣

切開入巴豆一點在內外用濕紙包定火煨令

蒜熟去巴豆將蒜細研和牽牛末為丸梧子大

每服五丸醋湯或茶空心送下量虛實服

藥棋子 治腰痛氣滯者

黑牽牛不拘多少以新瓦火燒赤便以牽牛倒

在瓦上自然一半生一半熟不得撓動取頭末

一两入硫黃一分同研勻分三服每用白麵一

匙水和捏如棋子樣五火初用水一盞煮熟送

下痛住即止未住明日五更再服

許學士曰予嘗有此疾每發只一服痛立止

按此二方皆濕熱痰氣壅滯不能流通故痛
猛而用藥峻也此樣方法亦不可無但看病
虛實用之

獨活寄生湯 治腎虛弱可冷濕地腰腿拘急筋

骨攣痛或當風取涼過度風邪流入脚膝為偏

枯冷痺緩弱疼痛

獨活 杜仲 牛膝 細辛 秦艽 茯苓

桂心 防風 川芎 人參 甘草 桑寄生

各一兩半 當歸 熟地 各二兩 一方加續斷三兩

每服三錢姜五片水煎食前服

王海藏防風湯 治傷寒後腰痛或皮肉痺及腿

膝疼痛行步艱難不能俯仰

防風 川芎 附子 炮當歸 芍藥 羌活

續斷 各一兩 麻黃 去節 桂枝 去皮 杜仲 炒各七錢 牛膝 五

加皮 丹參 各五錢 每五錢姜二錢煎食前服

此二方皆治寒濕之劑也

東垣川芎肉桂湯 臥寒濕之地腰痛不能轉側

兩脇搐急位痛月餘不愈腰痛論中所說皆為

足太陽足少陰血絡中有凝血作痛間有一二
症屬少陽膽經外絡病皆宜去血絡之凝乃愈

羌活一錢柴胡半肉桂半蒼木半歸半甘草半

川芎各一錢獨活各一錢麴各一錢防風各一錢防已各一錢

桃仁五箇去皮水酒煎食遠熱服

陳無擇曰小續命湯加炒桃仁治風腰痛最妙

五積散加薤仁治寒濕腰痛

東垣羌活勝濕湯治脊痛項強腰似折項似

此足太陽經不行也

羌活 獨活 藁本 防風各一錢 蔓荊子各一錢

川芎二分 甘草五分 水二鍾煎溫服

若身重沉、然及經中有濕熱也此方加黃

栝一錢太附子五分蒼朮二錢

予嘗治一人腰下濕中宮有痰腰痛而小便白濁

身重如山乃以二陳湯合五苓散以蒼朮換

朮加羌活服之効有熱再加黃栝木通

陳無擇桃仁酒 腎虛風勞所傷毒腫掣痛牽引

小腹連腰痛桃仁麩皮炒去皮尖研細每服一

錢熱酒調下出汗即愈

東垣地龍湯 腰脊痛或打撲傷損後高墜下惡

血在太陽經中令人腰膝痛或脛膈臂膊中痛

不可忍鼻壅塞不通

中桂分四桃仁分六羌活錢二獨活 甘草 黃柏各

麻黃分五地龍四分焙乾者蘓木分六歸尾錢一

每服五錢水煎食遠熱服

橘核酒 治打撲腰痛瘀血積蓄痛不可忍

用橘核炒去皮研細每服二錢酒調下或用猪

腰子一枚去筋膜破開入藥同葱白茴香鹽以

濕紙包煨熟嚼下溫酒送之已上二方皆該入前打撲瘀血條下

摩腰丹 治老人腰痛及婦人白帶

附子尖 烏頭尖 天南星各一錢半硃砂 樟腦

丁香各一錢半乾姜一錢射香分三雄黃錢半為末煉蜜

丸如圓眼大臨用以生姜汁化開如厚糊樣

火上烘熱抹掌上擦腰中候藥盡貼腰上即

烘綿衣縛之俟腰熱如火隔二日用一丸

皂角膏 治諸腰痛脚痛

用皂角一斤去皮弦搗碎好酒二大碗熬去一半濾去渣再用前汁入磁瓶內熬為膏子隨痛處貼之

如神湯 治男婦腰痛

玄胡索 當歸 桂心 杜仲 各等分

為末酒調下三錢甚者不過數服

橘核散 治腰痛諸般滯氣

橘核 乳香 各五錢 破故紙 二兩 山查 玄胡索

菴藺 沒藥 五加皮 紅麴 各一兩

為末酒調下

丹溪治癘疾初安因冲風又發腰痛兼又白濁已與人參白朮檳榔半夏等補藥又教以煨牡蠣一錢木通五分炒栢三分入前藥同煎服

痢後腰痛兩脚無力

陳皮 半夏 白芍 一錢 茯苓 蒼朮 當歸

黃芩 酒炒五分 白朮 二錢 甘草 錢

姜三片煎食





